

吞酸



經義

諸嘔吐酸皆屬於熱○少陽之勝嘔酸善饑素問

證治總論

酸者肝木之味也。由火盛制金不能平木則肝木自甚。故為酸。如飲食熱則易於酸也。或言吐酸為寒者誤也。又如酒之味苦性熱。飲之則令人色赤氣粗。喜怒如狂。煩渴嘔吐。皆熱證也。其吐必酸為熱明矣。劉河間

吐酸之屬於熱者。與造酒相似。涼則甘。熱則酸。朱丹溪

吐酸者甚則酸水浸其心。令上下牙酸澀不能相對。以辛熱療之。必減酸者收氣也。西方金旺也。寒水乃金之子。子能令母實。故用熱劑瀉其子。以瀉肺之實。若以病機之法。作熱攻之。誤矣。雜病醋心濁氣不降。欲爲中滿。寒藥豈能治乎。李東垣凡吞酸盡屬肝木。曲直作酸也。河間主熱。東垣主寒。東垣言其因。河間言其化。蓋寒則陽氣不舒鬱而爲熱。熱則酸矣。然亦有不因寒而酸者。木氣鬱甚。熏蒸溼土而成也。又有飲食太過。胃脘填塞。脾氣不運而酸者。是佛鬱之極。溼熱蒸變。如酒缸太熱則酸也。然總是木氣所致。若非木氣。卽寒。卽熱。卽飽。卽佛鬱。亦不酸。以酸爲木氣也。○又有一種飲食入胃卽

成酸味。此必傷寒久瘧。胃陰未復。當以淡味滋養真陰。而後

可治也。

己任編

吐酸諸言爲熱者。豈不各有其說。在劉河間則曰。如飲食熱則易酸。在戴元禮則曰。如穀肉在器。熱易爲酸。又有相傳者曰。觀之造酒。涼作則甘。熱作則酸。豈非酸由熱乎。諸說如此。宛然可信。但凡察病者。當察其理。察理者。當察其真。卽如飲食之酸。由乎熱。似近理矣。然食在釜中。使能化而不能酸者。此以火力強而速化無留也。若起置器中。必久而後酸。此停積而酸。非因熱而酸也。嘗見水漿冷積既久。未有不酸者。此豈熱耶。因不行也。又云。造酒者。熱作則酸。亦似近理。然必于

醫通 卷一
二三日後鬱熱不開然後成酸未有熱作及時而遂致酸也
且人之胃氣原自大熱所以三餐入胃俱能頃刻消化若如
造酒者必待竟日而後成則日不再餐胃氣能無憊乎若必
如冷作之不酸方云無火則飲食之化亦須旬日此其胃中
陽氣不已竭乎是可見胃氣本宜煖稍涼不可也酒甕本宜
疏鬱悶不可也故酒甕之化亦安能如胃氣之速而胃氣之
健又安可同酒甕之遲乎人之飲食入胃惟速化爲貴若胃
中陽氣不衰健運如常何酸之有使火力不到則其化必遲
食化既遲則停積不行而爲酸爲腐此酸卽敗之漸也故凡
病吞酸者多見飲食不快漸至中滿痞隔泄瀉等證豈非脾

胃陽虛之病而猶認爲火能無誤乎

張景岳

或問吞酸素問以爲熱東垣又以爲寒何也曰吐酸與吞酸
不同吐酸者吐出酸水如醋乃平時津液隨上升之氣鬱而
成積積久生熱故從木化遂作酸味非熱而何其有鬱積之
久不能自涌而出伏于肺胃之間咯不得上嚥不得下肌表
得風寒則內熱愈鬱酸味刺心肌表溫煖腠理開發或得香
熱湯丸津液得行亦可暫解非寒而何素問言熱言其本也
東垣言寒言其末也但東垣不言外得風寒而作收氣立說
欲瀉肺金之實未合經旨余嘗治吞酸用連黃各製隨時令
爲佐使以蒼朮茯苓爲輔湯浸蒸餅爲丸吞之教以浚食自

養則病易安局方發揮

吐酸者吐出酸水如醋夾疫居多疫鬱水亦鬱自成酸矣一遇上升之氣則疫與水並出蓋未有酸水而無疫者也治用二陳湯加梔子薑炒黃連蒼白朮少加吳萸為引經凡治酸必少用吳萸者蓋因其性而折之也虞天民

肝為盡陰膽無別竅故胃中水穀一有所積輒遏肝膽之火曲直而不得伸癖以是成熱由此鬱木中有此鬱熱之火金畏而不敢平勝我者不能平我勝者不得去溼熱無從宣洩此吐酸之所由來也法宜寒因熱用於木中瀉去火邪使金無所畏而木可平用熱性引入肝膽使辛有所宣而鬱可達

金行從左何木令之不條耶程郊倩

凡積滯中焦久鬱成熱因而作酸者此酸之屬於熱也若客

寒犯胃頃刻成酸本無鬱熱因寒所化者此酸之屬於寒也

○吞酸雖小疾然可暫不可久久而不愈為噎隔反胃之漸

若脈兩關俱弦者尤宜慎防以木來凌土故耳證治彙補

病轉入胃煎熬津液變成酸汁胃口有如醋甕胃中之熱有如麴蘖穀飲一入頃刻釀成酢味矣有時新穀方嚙舊穀即為迸出若互換者緣新穀芳甘未變胃愛而受之其酸腐之餘自不能留也夫人身天真之氣全在胃口今暗從火化津液升騰屑越已非細故况土曰稼穡作甘者也木曰曲直作

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>